

D. Jose Manuel López Castrillón
RALLYE RÍAS ALTAS HISTÓRICO

Nº Expediente : C-PD-46/2022
Asunto: Resolución autorización proba deportiva
Proba deportiva: **RALLYE RÍAS ALTAS HISTÓRICO**
Solicitante: CLUB RALLYE RÍAS ALTAS. Jose Manuel López Castrillón
Data celebración: **7 e 8 de outubro de 2022**
Horario: 16:00 a 22:45 día 7, 10:00 a 15:30 día 8
Vías afectadas: DP-9006,DP-5003,DP-0301,DP-3003,AC-11,AC-12,N-VI,AC-164,N-651,AC-160,CP-5004,AC-151,AC-144,DP-3902, DP-0905
Concellos afectados: A Coruña, Monfero, Vilarmaior, Betanzos, Irixoa e Aranga

FEITOS

Primeiro.- O 06/07/2022 recibíuse a solicitude de autorización da proba deportiva " RALLYE RÍAS ALTAS HISTÓRICO ", que se vai celebrar os días 7 e 8 de outubro de 2022. A proba discorrerá polos concellos de A Coruña, Monfero, Vilarmaior, Betanzos, Irixoa e Aranga. As vías afectadas son DP-9006,DP-5003,DP-0301,DP-3003,AC-11,AC-12,N-VI,AC-164,N-651,AC-160,CP-5004,AC-151,AC-144,DP-3902, DP-0905

Segundo.- O expediente instruíuse coa achega dos seguintes documentos: regulamento da carreira, autorización da Real Federación Española de Automovilismo, memoria da proba, rutómetro, mapa do percorrido, cartel, servizos sanitarios, seguros de responsabilidade civil e accidentes e xustificante de pago da taxa reguladora.

Tamén achegaron os informes favorables dos concellos afectados; dos titulares das vías polas que discorre a proba: servizo provincial da Axencia Galega de Infraestruturas da Consellería de Infraestruturas e Mobilidade, servizo de Vías e Obras da Deputación Provincial e Demarcación de Estradas do Estado do Ministerio de Transportes, Movilidad y Agenda Urbana; do servizo de Montes da xefatura territorial da Consellería do Medio Rural e do servizo de Patrimonio Natural da xefatura territorial da Consellería de Medio Ambiente, Territorio e Vivenda.

Terceiro.- O promotor da proba achegou unha declaración responsable conforme a proba terá lugar seguindo as indicacións establecidas no Protocolo Covid da Federación de Automovilismo.

Cuarto.- Solicitouse o preceptivo informe á Xefatura Provincial de Tráfico, que se xunta á presente resolución, se incorpora como parte da súa motivación e condiciona a autorización solicitada, de xeito que poderá ser suspendida ou revogada no caso de incumprimento.

FUNDAMENTOS DE DEREITO

VICEPRESIDENCIA SEGUNDA E
CONSELLERÍA DE PRESIDENCIA,
XUSTIZA E DEPORTES
Xefatura Territorial
Servizo de Administración Local e Interior
Rúa Vicente Ferrer, 2, planta 1º
15008 A Coruña
T. +34 981 184 485
espectaculos.presidencia.coruna@xunta.gal



Primeiro.- Real decreto 1640/1996, do 5 de xullo, sobre traspaso de funcións e servizos da Administración do Estado á Comunidade Autónoma de Galicia en materia de espectáculos públicos. Decreto 336/1996, do 13 de setembro (BOE do 17 de setembro), sobre asunción de funcións e servizos transferidos á Comunidade Autónoma de Galicia en materia de asociacións e espectáculos públicos e a súa asignación á entón Consellería de Xustiza, Interior e Relacións Laborais.

Segundo.- Na actualidade a competencia ven establecida aos xefes territoriais en virtude do Decreto 117/2022, do 23 de xuño, polo que se establece a estrutura orgánica da Vicepresidencia Segunda e Consellería de Presidencia, Xustiza e Deportes.

Terceiro. O Anexo II do Real Decreto 1428/2003, do 21 de novembro, polo que se aproba o "Reglamento General de Circulación" establece no seu artigo 2 que a competencia para expedir a autorización para celebrar probas deportivas que se desenvolvan integramente por vías situadas dentro do ámbito territorial dunha comunidade autónoma, corresponderalle a esa comunidade autónoma.

Cuarto- Lei 20/2017, do 27 de decembro, de espectáculos públicos e actividades recreativas de Galicia e Decreto 98/2020, do 2 de xullo, polo que se regula o procedemento de autorización da celebración de espectáculos públicos e actividades recreativas que se desenvolvan en máis dun termo municipal da Comunidade Autónoma de Galicia.

Quinto- Acordo do Consello da Xunta de Galicia, do 12 de xuño de 2020, da Secretaría Xeral Técnica da Consellería de Sanidade, sobre medidas de prevención necesarias para facer fronte á crise sanitaria ocasionada polo Covid-19.

Sexto- Lei 39/2015, do 1 de outubro, de procedemento administrativo común da administracións públicas.

En virtude de todo o exposto,

RESOLVO

Autorizar a celebración da proba deportiva RALLYE RÍAS ALTAS HISTÓRICO, os vindeiros días 7 e 8 de outubro de 2022. Deberán cumprir as condicións que se sinalan nos informes emitidos, así como no disposto nos artigos nos artigos 6 ao 14 do Anexo II, Sección segunda, do Real decreto 1428/2003, do 21 de novembro.

Tamén deberán cumprir con todo rigor o disposto no protocolo sanitario da Federación Galega de Automobilismo no ámbito Covid-19, tal como establece a Resolución de 12 de xuño de 2020 (DOG 13 de xuño), da Secretaría Xeral Técnica da Consellería de Sanidade, e as posteriores modificacións, así como as medidas sanitarias establecidas na lexislación vixente o día da celebración da proba. **O persoal da organización da proba deberá supervisar o cumprimento das medidas sanitarias indicadas.**

Contra a esta resolución poderá interpoñer recurso de alzada ante o Vicepresidente Segundo e Conselleiro de Presidencia, Xustiza e Deportes, no prazo dun mes que comezará a contar a partir do día seguinte ao da notificación desta resolución.

A Coruña, na data da sinatura electrónica

A xefa territorial
María Barreiro Lázare

VICEPRESIDENCIA SEGUNDA E
CONSELLERÍA DE PRESIDENCIA,
XUSTIZA E DEPORTES
Xefatura Territorial
Servizo de Administración Local e Interior
Rúa Vicente Ferrer, 2, planta 1ª
15008 A Coruña
T. +34 981 184 485
espectaculos.presidencia.coruna@xunta.gal

